



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avrea Clavis Paradisi Beatorvm, Omnibvs Christianis,
maxime Clericis, quotidie vsurpanda, praecipue hac
funestâ atque moesta belli tempestate**

Nicolartius, Petrus

Coloniae, 1643

Septima caeli porta est Australis. Ap. 21. 12. Fundata ex humilitatis
affectu.

urn:nbn:de:hbz:466:1-10096

nitentiam. d. 50. si post. Sed confitens quæ-
rat sacerdotem scientē ligare & soluere.
pœn. d. 6. qui vult. maxime his temporibus
nostris, cum non solum corpora, sed & me-
rita in hominibus, defecerunt. d. 34. frater-
nitas. melior est in male factis, humilis cō-
fessio, quam in bonis superbia gloriatio.
11. q. 3. iniustum. d. 83. nihil. 6. q. 1. sunt plu-
rimi. Qui aliter agunt, mali sunt; & eius-
modi tolerantur vel propter temporū in-
iuriam aut necessitatem, vel propter utili-
tatem. 1. q. 6. requiretis. 24. q. 1. pudenda.
fin. contritione vehementi igitur, mi D,
Clerice, confessione que frequenti, te Deo
& altari adorna. Cum gaudio enim debet
facere immortalis futurus, quæ faceret
(NB.) pro differenda morte, immortalis
futurus. Semper deprecetur Deum, certus
de venia; quia omnibus modis, & sine tæ-
dio, dubius, rogatet potestatem terrenam.
Abstineat à multis licitis, qui per liberta-
tem arbitrij commisit illicita. Ita S. Aug.
de pœn. d. 5. can. consideret. lacrymæ do-
lorum, vinum angelorum.

Septima cali porta est Australis. Ap. 21. 12.

Fundata ex humilitatis affectu.

§. 61. **C**ONSIDERA corporis tui condi-
tionem, quàm vile, quàm fragile,

C 4 . quàm

luteum, quot morbis & doloribus obnoxium, quot frustulis compactum, quantis sordib. instar latrinarum oppletur. (Iob 14.) Denique ubi anima recesserit, nihil humano corpore foedius, nihil horribilius.

2. CONSIDERA Conditionem animæ, quæ statim ut corpori inseritur, peccato inquinatur, & diaboli serua efficitur. (Iob 14. Ephes. 2.) Cuius intellectus ad ea quæ sunt salutis, per se est cæcus; ad res naturales adeò debilis & obscurus, ut nullam earum perfectè cognoscere possit. Et quamuis mille annis ad hoc incumberet, ne centesimam quidem partem latentis in ea veritatis assequeretur. Cuius memoria angusta, infida, labilis, confusa: cuius voluntas à cælestibus auersa, ad terrena inclinata, corporis voluptatibus dedita, denique ad omne malum propensa, ad omne bonum languida: & ita fragilis, ut minima occasione millies labatur. Tanta quoque est debilitas harum trium facultatum, ut modico vapore vel humore cerebri possit earum usus impediri, vel planè perverti; ut in amentibus, phreneticis, maniacis, ebriis cernimus.

§. 62. 3. CONSIDERA quot quantisque peccatis sis vel fueris obnoxius: quorum quodlibet te fecit inimicum Dei, mancipium

prium diaboli, & hæredem inferni, denique omnibus suppliciis & contumeliis dignissimum. (*Rom. 2.*) Itaque cogita te coram Deo & Angelis sanctis dignum, quem nemo amet, nemo honoret, nemo iuuet, aut humaniter tractet : sed quem omnes contemnat, conspuant, exterminent, & omnibus contumeliis afficiant : imò contra quem omnis creatura insurgat, iniuriam sui Conditoris vindicatura.

Hæc omnia meretur omnis qui mortifero peccato se contaminat, & insuper æternum ignem, & æternam ignominiam. Cogita, nihil posse esse vel cogitari vilius, ignobilius, contemptibilius, magisque dignum omni contemptu, dedecore, probro, supplicio, quàm sit peccator.

4. CONSIDERA te ex te nihil boni habere, sed omne bonum quod in te est, siue naturale siue supernaturale, esse Dei, & ex Deo : & idcirco ob illa bona non tibi, sed Deo gloriam, laudem & honorem deberi. *2. Cor. 4.*

§. 63. 5. CONSIDERA quanta vanitas sit, extollere se ratione formæ corporis, quæ & res infima est, & instar floris marcescit : (*Eccl. 1.*) vel ratione roboris, quod in tauris & equis longè maius : vel ratione opum, quæ fluxæ, infimæ, extra nos ; terra
C 5 nempe

nempe rubra & candida: vel ratione nobilitatis, quæ in hominum apprehensione consistit, nec quidquam boni in homine ponit; nec apud Deum & Angelos eius æstimatur, & peccato penitus obruitur, omnique ignominia digna efficitur: vel ratione potestatis Regiæ, quæ nihil boni in homine statuit, (*Sap. 6.*) sed infinitas curas & molestias secum trahit, magisque onerat quàm ornat; præsertim cum obnoxium reddendæ rationi apud supremum Iudicem de subditorum factis, & innumeris negotiis cõstituat: vel de sapientia, quæ in mortalibus adeò exigua; in dæmonibus millecuplo maior; vel de perfectione virtutis, cum simus adeò imperfecti in omni virtutum officio, & adeò fragiles, ut vel sponte nostra, vel minimo tentationis impulsu sæpè labamur.

§. 64. Quibus omnibus benè perpensis, statues tecum.

Primò, Ut in posterum te non magni pendas, nec magnis honoribus dignum ducas, sed agnoscas vilitatem & indignitatem tuam.

Secundò, Ut non appetas videri & magni æstimari ab hominibus.

Tertiò, Ut si aliquod dedecus obuenerit, aliqua ignominia irrogata fuerit, accipias
id de

id de manu Domini peccata tua castigantis, & cogites te multo maiore ignominia & infamia dignum, vt qui toties æternam extremamque ignominiam & afflictionem merueris.

Quartò, Vt optes ipse contumeliam pati, tum quia propter peccata tua dignus es, tum quia Dominus tua causa contumelias maximas sustinuit, cui te conuenit assimilari, si aliquando cum illo cupis regnare. Si enim compatimur, & conglorificabimur. Rom. 8.

Quintò, Vt semper in me considerem meas imperfectiones, & qualis sim ex me; in proximis verò ea quæ sunt perfectionis, & quales sint ex Deo: vt hac ratione in animo meo me omnibus postponam, & deteriorem æstimem, & omnes me præstantiores ducam. Hoc modo S. Franciscus censebat se omnibus mortalibus peiorem.

Not. §. 65. S. Aug. Diosco. scribens vrget maxime maximam humilitatem, eamque statuit Christianæ totius pietatis fundamentum primum, secundum, & tertium. S. Bern. ait esse Christi virtutem, absque qua B. Virgo etiam non potuisset Deo probari, vt ancilla; non eligi, vt mater: sed reijci, vt hostis. Discendum ergo à Christo D. vt simus humiles atque mites, idque ex corde.

corde. quoniam quæ animi modestia non est ex corde, ficta est, superbiæ mista est. 8. q. 1. in scripturis. Ideo neophyti, & integræ humilitatis ignari, Ecclesiæ graves sunt, ad regimen inepti. d. 61. statuimus. & §. 1. nec præesse possunt nobis, qui cum culpa non exigit, omnes secundum rationem humilitatis æquales sumus. d. 22. de Constantinopolitana. Hæc virtus contritioni coheret, vt pœnitentiæ fundamentum. de pœ. d. 2. c. 1.

§. 66. Voluntas igitur, quæ virtutis virtutisque radix est. d. 56. nasci. 7. q. 1. sciendū. 15. q. 1. initio. cogat superbam ceruicē sub hoc suaue Domini iugum, ea enim est motus animi, ad aliquid vel imitandum, vel non imitandum, vel adipiscendum. 15. q. 1. §. 1. adeo vt nemo teneatur peccato, nisi vitio voluntatis. ib. non est. cum peccatum omne tam sit voluntarium, vt si voluntarium non sit, peccatum non sit. ib. §. 3. & can. merito. c. illa. vbi can. non est. docetur, sicut à Domino Christo electum est seruitium voluntarium, in virtutem: ita & à diabolo, in peccatum. Ideo opus bonum non valet, nisi ex bona voluntate. d. 86. nō satis. 20. q. 1. totā. quam lex humana non requirit, sed opus duntaxat imperat. 15. q. 1. si quis non reputatur à Deo pro opere, cum deest

deest facultas. de pœ. d. 1. §. si mulier. nec consummatur iustitia, nisi ex voluntate iusta. 32. q. 5. sicut enim. sed reputatur à Deo iniquitas. 22. q. 5. peierare. 27. q. 1. nuptiarum. 32. q. 5. si Paulus. qui Canon reuocat nobis in mentem illud Domini. Qui viderit mulierem ad concupiscendam eam, iam mechatus est eam, in corde suo. nam mala voluntas pro facto est, vt & bona: quare siquid propter bonum, præter voluntatem, fiat male, non imputabitur. 23. q. 5. de occidendis.

§. 67. Cum igitur Ecclesia militans, inter cælos inferosque sita, vtrorumque succenturiarit sibi ciues. 23. q. 4. hæc autem. 32. q. 4. recurat. diuersissimi ingenij, consensio, nisi in humilitate, esse nunquam poterit (quia inter superbos semper sunt iurgia) quæ vilioribus exercitiis pascitur, ministeriis indignioribus roboratur. de pœ. d. 2. §. 1. talis erat Apostolorum vita, concordissima, quia subiectissima; communis & vnita. æqualitas, mater pacis, in pluribus anima vna in Deo. 11. q. 1. dilectissimi. representans Dei similitudinem in nobis: vt sicut à Deo vno omnes creati sumus, ab homine vno propagati, ita ab vna voluntate pacati multi. 33. q. vlt. hæc imago. & c. vlt.

§.68. Quod & cernitur in Ecclesiæ Dei consensione, ex eorundem vbique Sacramentorum communione, de consec. d.4. est vnitas, quæ ideo vna columba & sponsa, vnum est corpus, 24. q. 1. loquitur. ex membrorum ad caput connexionem. ibid. schisma. & ipsorum filiorum multo plurimorum, per vnum amoris mutui nexum colligationem. ib. Quod totum oritur ex sancta Ecclesiæ humilitate, quæ virtus est Christi omnes connectens. Nec enim possunt duo vel tres in vnum colligi, si a Christo seiuncti sint. ib. alienus. quia solius est Ecclesiæ Christi, humilis conspiratio. 1. q. 1. multæ. extra eius arenam, non peccatorum est remissio. ib. remissionem. 24. q. 1. quicumque. non miraculorum patratio, quæ tantum humilium est. ib. tendamus. non Christi conuiuium, quod in vinculo pacis fidelium est. 23. q. 4. ipsa pietas. non sacramentorum perceptio. 7. q. 1. scire. non veri martyrii tolerantia. d. 90. neque ad. Et hoc idcirco, quia non multitudo operantium, sed consociatio bonorum placet Deo. 24. q. 1. alienus. hostis est, profanus est, qui hoc non studet. 7. q. 1. Nouatianus. 24. q. 1. alienus.

§.69. Vnctio S. Spiritus hoc docet humiles. de pœ. d. 2. quærendum. vnde ad interioris testificationem, fit Christianæ debilita-

bilita-

bilitati vnctio exterior, postulatam humilibus indicans robur, batizandis, in pectore. d. 11. Ecclesiasticarum. batizatis, in capite. de consec. d. 4. postquam. confirmatis, in fronte. d. 85. presbyteros. morientibus, in membris. ib. c. illud. regibus, in brachio. 2. q. 7. plerumque. Sacerdotibus, in digitis. d. 25. præterea. 16. q. 1. generaliter. Pontifici, in manibus & capite. d. 23. Episcopus. vt Episcopus ac Sacerdos suæ semper, propter quam vnctus est, infirmitatis humiliter memor, conseruet interius Dei robur. 8. q. 1. licet. commendatissima idcirco in Prælati est humilitas ac presbyteris. d. 99. ecce. d. 100. contra morem. quibus tamen ita nemo debet subijci humiliter, vt cogatur vitia illorum venerari. 2. q. 7. admonendi. nemo ita humiliari, vt velit in confessione mentiri. 22. q. 2. cum humilitatis. Docetur vera hæc Christi virtus institutione. d. 38. sedulo. Pulcherrima est, cum ei virginitas coniugitur. d. 30. hæc autem. S. Bern. rara virtus, humilitas honorata.

Porta cali octaua ad Austrum.

Ædificata ex fortitudinis patientia.

§. 70. **C**ONSIDERANDVM exemplū Domini nostri, quem Deus Pater, vt daret